

2017 წელი

1. ადგილობრივი დემოკრატიის სააგენტო საქართველო - ეროვნული პლატფორმის რეგიონული წარმომადგენელი: განხორციელდა ევროკავშირში ინტეგრაციის პროცესში იმერეთის მხარის სამოქალაქო საზოგადოების მხარდაჭერა. აღნიშნული მანდატის ფარგლებში ჩატარდა რამდენიმე საინფორმაციო შეხვედრა ადგილობრივ მოსახლეობასთან, სტუდენტებთან, ადგილობრივ ხელისუფლებასთან და სამოქალაქო საზოგადოებრივ ორგანიზაციებთან. 2017 წელს ადგილობრივი დემოკრატიის სააგენტო საქართველო აღმოსავლეთ პარტნიორობის სამოქალაქო საზოგადოების ეროვნული პლატფორმის მე-4 სამუშაო ჯგუფის კოორდინატორი ორგანიზაცია გახდა და წლის განმავლობაში კოორდინირებას უწევდა სამუშაო ჯგუფის შეხვედრებს, სადაც განიხილებოდა სხვადასხვა მნიშვნელოვანი საკითხები.

2. პროექტი „გზად საბინაო სექტორის რეფორმებისკენ:

ბინათმესაკუთრეთა გაერთიანებების პოტენციალის ამაღლება აზერბაიჯანში, ბელარუსში, მოლდოვაში, საქართველოსა და უკრაინაში“: საქართველოს სამ სამიზნე ქალაქში ქუთაისში, თბილისსა და ბათუმში პროექტის ფარგლებში ჩამოყა ლიბდა ბინათმესაკუთრეთა ამხანაგობების სამართლებრივ-ტექნიკური დახმარების რესურს ცენტრები. პროექტის ფარგლებში გამოიცა სამი სტატია (ქართულ და ინგლისურ ენებაზე) შემდეგ თემებზე: 1. ზოგიერთი მოსაზრება ბინათმესაკუთრეთა ამხანაგობების საქმიანობის გარემოს სრულყოფის თაობაზე; 2. ურბანული საცხოვრისის ინდიკატორები - რაობა, მსოფლიო პრაქტიკა და საქართველოში მათი დანერგვის წინადადება; 3. ბინათმესაკუთრეთა ამხანაგობის როლი და მნიშვნელობა საქართველოში.

3. პროექტი „ადგილობრივი თვითმმართველობის ინდექსი“: პროექტის ფარგლებში პარტნიორ რეგიონალურ ორგანიზაციებთან ერთად შეფასდა ქვეყნის ყველა თვითმმართველი ორგანოს გამჭირვალობა, მოქალაქეთა მონაწილეობის მექანიზმები და პრაქტიკები ერთიანი ადგილობრივი თვითმმართველობის ინდექსის მეშვეობით ([www.lsg in dex.org](http://www.lsgin dex.org)), მომზადდა და გამოქვეყნდა რეიტინგი და ეროვნული ანგარიში. პროექტის ფარგლებში შე ფასდა 12 (თორ მეტი) მუნიციპალიტეტი.
4. პროექტი „იმერეთის მხარეში ევროკავშირთან ასოცირების პროცესის შესახებ საზოგადოებაში ინფორმირებულობის გაზრდა“: პროექტის ფარგლებში განხორციელდა იმერეთის მხარის 12-ვე მუნიციპალიტეტში საზოგადოების ინფორმირება და ცნობიერების ამაღლება ასოცირების შეთანხმების 21-ე თავის - „რეგიონული განვითარება, თანამშრომლობა საზღვრისპირა და რეგიონულ დონეზე“ შესახებ.
5. პროექტი „იცოდე მეტი მდგრადი საარსებო წყაროებისა და მუნიციპალური სერვისების შესახებ“: მოეწყო გასვლითი შეხვედრები იძულებით გადაადგილებულ პირთა – დევნილთა კომპაქტურ ცენტრებში და დევნილთა წინაშე არსებული პრობლემების ადვოკატირებისათვის ჩატარდა ფოკუს ჯგუფის ინტერვიუები შერჩეულ იძულებით გადაადგილებულ პირთათვის.
6. პროექტი „შეზღუდული შესაძლებლობების მქონე პირთა პოლიტიკური და საარჩევნო შესაძლებლობების გაძლიერება“: პროექტის ფარგლებში ჩატარდა კვლევა, რომელიც არის საბაზისო დოკუმენტი და მოიცავს საერთაშორისო და ეროვნული კანონმდებლობის აღწერას, ერთგვარ ჩარჩოს, რომელიც

განსაზღვრავს შეზღუდული შესაძლებლობების მქონე პირთა პოლიტიკურ უფლებებს, ასევე მონაცემებს პრაქტიკაში არსებული სირთულეების და ბარიერების შესახებ, რაც ხელს უშლის ამ უფლებების რეალიზაციას. არანაკლებ მნიშვნელოვანია კვლევის ნაწილი, რომელიც აღწერს არსებულ მდგომარეობას და აჩვენებს თუ რა ღონისძიებებს ახორციელებს სახელმწიფო, რამდენად ადაპტირებულია საარჩევნო უბნები, რამდენად სრულყოფილია მონაცემთა ბაზა და რა ღონისძიებებს ატარებენ შესაბამისი სახელმწიფო უწყებები შშმ პირთა პოლიტიკური უფლებების რეალიზაციის კუთხით.

7. პროექტი „მეტი ქალის ხმა ადგილობრივ თვითმმართველობაში“: წინასაარჩევნო პერიოდში, ადგილობრივი დემოკრატიის სააგენტო საქართველომ ჩაატარა ფოკუს ჯგუფების ინტერვიუები იმერეთის რეგიონის 12-ვე მუნიციპალიტეტში. პროექტის განხორციელების შედეგად მოხდა ქალი ამომრჩევლებისთვის მნიშვნელოვანი საკითხების ასახვის ხელშეწყობა პოლიტიკური პარტიებისა და კანდიდატების წინასაარჩევნო პროგრამებში; ასევე განხორციელდა მათი ადვოკატირება. მომზადდა 12 სიუჟეტი ქალი ამომრჩევლების პრობლემების შესახებ, ასევე მომზადდა 12 სატელევიზიო და 12 რადიო გადაცემა, სადაც საზოგადოების ფართო მასებს ჰქონდათ საშუალება მოესმინათ იმერეთის მხარის მუნიციპალიტეტებში ამომრჩეველ ქალთა საჭიროებების შესახებ.